

Conmemorando 25 aña di ausencia di nos Libertador

"Aruba Canta Betico"



TA. CRUZ -- Aruba ta conmemorando e 25 aña di ausencia di nos libertador Gilberto François "Betico" Croes. Betico nos Libertador, Nos lider, considera pa hopi Tata di nos pueblo.

Despues di 25 aña Aruba ta canta Betico, cu ta simplemente ausente y bibo den nos memoria, curason y pa semper den nos historia. Sede Libertador Betico Croes na Santa Cruz, lo ta nos punto di encuentro Diasabra 19 di November for di 5:30 di atardi unda nos lo recorda Betico, cu canto, baile, declamacion di poesia y presentacion di diferente prospectonan artistico hubenil y futuro di nos Pais, entre nan Jonathan Thiel, Mitchell Tromp, Lily Rodgers, Quincy Hasham, John Francis Jacobs, Franciene Vos, Samatha Trinidad, Esmeralda Tromp (Tanchi Esmeij), Sulaika Bareño, Youth in Action, Grupo Tipico Kadushi Largo, Grupo di Betico y Las Unicas. Pa es motibo ta invita pueblo en general pa bin como un solo famia pa hunto nos conmemora nos libertador. Betico su vision, nos mision, uni manera un pueblo pa conmemora su 25 aña di fayecimento.

"Aruba canta Betico"